

20. april 2017

UPA 2017/131

**Uunga siunnersuut: Meeqqat tapersorsorneqarnissaannut Inatsisartut inatsisaat nr. xx, xx
xxx 2017-imeersoq.**

(Ilaqtariinnermut, Naligiissitaanermut, Isumaginninnermut Inatsisinillu atuutsitsinermut Naalakkersuisoq)

Naalakkersuisut Meeqqanut inatsisissatut siunnersuutaanut ilalernartumut Siumumiit imak oqaaseqassaagut.

Siullermik nuannaarutigalugu tamatta qamannga pisumik nuannaarluta sulinummumt suleqataajumanerput oqaatigerusupparput. Isumalluarpugut uuma inatsisissap atuutilernissaanut, neriulluta nunarput tamakkerlugu tamanut iluaqutaasumik sunniuteqarluarumaartoq.

Siumup anguniarpaa meeqqat, inuuusuttullu toqqisisimasut, peqqissut, imminnut tatisut, inoqatiminnut ataqqinnittut, tarnikkut timikkullu nukiottuat kinaassutsiminnillu ilisimaarinnittut pilersinissaat. Ilaqtariussuseq suliffeqarnerlu oqimaaqatigiittariaqarput.

Ilaqtariit siunnersorneqarnissamik pisariaqartitsisut piaartumik ikiorneqartarnissaat Siumup aqqutissiuutissavaa, taamaasiornikkut meeqqanik angerlarsimaffiup avataanut inissiisarneq annikillisaneqarsinnaaqquullugu. Ilaqtariit siunnersorneqartarnerat pittaanerusunngorlugu ingerlaqqittariaqarpoq, tamatumunngalu naammattunik ukiut tamaasa aningaasaliisoqartarnissaa qulakkeersimajuarneqartariaqarpoq.

Nuannaarutigalugu takusinnaalerparput nunarput tamakkerlugu meeqqanut inatsisissatut siunnersuut arlalitsigut iluaqtissaqartumik aaqqissuunneqarsimasoq. Nakkutilliineq sakkortusineqassaaq, angerlarsimaffinnullu ornigutarneq siornatigut atuukkunnaarsinneqarsimagaluartoq manna atuutsinniarneqaqqilissaq. Meeqqat ulluinnarni atugaat qanimut tikillugit kommunalbestyrelsinit malin-naavigineqartalernissaat nakkutigilissavaat.

Neriuitigaarput sakkortuumillu piumasarivarput sulissussat naammattut aaqqissuussilluarnerlu pitsaasoq, tamanullu iluaqutaasoq pilersinneqassasoq. Soorunami ilisimavarput tusartuakkavut nalaatakkallu naapertorlugit ilaatigut aqutsineq equngaleraangat sumiiffinni assigiingngittuni nalaataqarnerlutiitsisartoq. Kukkussutaareersimasut ilikkarfinginissaat alloriarnissamut tullermut pitsanngoriartitsisussaapput. Meeqqanut inatsissaq tassaassaaq siumut matumik nutaamik ammaasussaqq.

Meeqqat atugaannut naapertuuttumik nalilersuisoqartarnissa, qanimullu tikillugit aaqqissuussisoqartarnissaava avaqqunneqarsinnaanngilaq. Uuma inatsisissap aqqutit pitsanngorsarniarlugit tumiliortussaavaatigut, taamaattumik ilalerlugu tamakkiisumik taperserparput. Qulakkeerumallugu meeqqat pisinnaatitaaffi naapertorlugit sulisoqaqqullugu. Ilaqtariinnut Peqqissutsimullu Ataatsimiiitaliami peqqissaarullugu suliarineqarnissaa innersuullutigu.